

影印

文淵閣四庫全書

第一〇九一冊

北京出版集團公司
北京出版社

本冊目次

祠 鐔 祖

部 津 英

集 集 集

宋

強

至撰

……一

宋

釋契嵩撰

……三九七

宋

釋重顯撰

……六四一

欽定四庫全書

集部

祠部集卷三

詳校官庶吉士臣朱理

檢討臣何思鈞覆勘

總校官編修臣朱鈐

校對官庶吉士臣王朝梧

謄錄監生臣曹壽

欽定四庫全書

集部三

祠部集

別集類二宋

提要

欽定四庫全書

祠部集
提要

臣等謹案祠部集三十五卷宋強至撰至字
幾聖錢唐人官至三司戶部判官尚書祠部
郎中宋史不為立傳曾鞏序稱其為韓琦所
知常引入幕府自助今世所傳韓忠獻遺事
即至所撰其歷官本末見於集中者大約登
第後謁選得泗掾以薦令浦江東陽元城諸
邑又嘗入為京曹從韓琦辟入陝西幕府其
上河北都運元給事書所云四歷州縣三任
部屬者可以見其生平大槩至為大賢所嘉
契其才品卓有可稱而所作奏牘之文曲折
疏暢切中事情尤為有裨世用杭州志稱韓
琦出鎮時上奏及他書皆至屬稿琦乞弗散
青苗錢神宗閱之曰此必強至之文也因出

其疏以示宰臣新法幾罷是固琦之忠誠惻
怛足以感動人主而至之文章懇摯亦有以
助之集中諸體詩沈鬱頓挫氣格頗高在止
宋諸家中尤可別樹一幟觀所作送邵秀才
序稱初為鄉試舉首賦出四方皆傳誦之既
得第恥以賦見稱乃專力六經發為文章有
譽其賦者輒頸漲面赤惡其薄已是其屏斥
時好力追古人實有毅然以著作自命者宜

欽定四庫全書

詞部集
提要

其根柢之深厚若此也宋史藝文志馬端臨
經籍考俱載祠部集四十卷文淵閣書目尚
著於錄其後遂湮沒不傳近時厲鶚撰宋詩
紀事僅從高似孫蟹畧方回瀛奎律髓條錄
二詩而其他均未之見今從水樂大典各韻
中裒輯編綴得詩文數百篇雖原目久佚無
由知其完闕而準計卷帙當尚存十之八九
謹分類排纂釐為三十五卷而稍倂其出處

之迹以為詮次庶知人論世者猶得考見其
崖略焉乾隆四十九年十月恭校上

總纂官臣紀昀臣陸錫熊臣孫士毅

總校官臣陸費輝

欽定四庫全書

詞部集
提要

祠部集原序

幾聖諱至姓強氏餘杭人幾聖字也為三司戶部判官尚書祠部郎中既沒其子浚明集其遺文為四十卷屬予序幾聖少貧能自謀學為進士材拔出輩類出輒收其科其文詞大傳於時及為吏未嘗不以其間益讀書為文尤工於詩句出驚人世皆推其能然最為相國韓魏公所知魏公既罷政事鎮京兆及徙鎮相魏常引幾聖自助魏公喜為詩每合屬士大夫賓客與游多賦詩

欽定四庫全書

祠部集
原序

以自見其屬而和之者幾聖獨思致逸發若不可追躡魏公未嘗不歎得之晚也其在幕府魏公每上奏天子以歲時慶賀候問及為書記以通四方之好幾聖為屬藁草必聲比字屬曲當繩墨然氣質渾渾不見刻畫遠近多稱誦之及為他文若誌銘序記策問學士大夫則簡古典則不少貶以就俗其所長兼人如此魏公數薦之朝廷以謂宜在館閣然未及用魏公既薨之明年幾聖亦以疾卒幾聖之遺文在魏公幕府為最多故序亦

特反復見之覽者可推而考之也其行治官世已著於誌幾聖之葬者故此不著元豐三年七月五日亳州樗堂曾鞏序

欽定四庫全書

祠部集
原序

五言古詩

次劉才邵送魏彥成韻

宋 強至 撰

國朝廣仁恩法令去煩苛三官貴持平除用不輕可矯
矯魏詳刑儒術富而夥餘事及刑書議論不偏頗能令
舞文吏無計得掀簸計其所平反陰功已堆垛神方介

欽定四庫全書

祠部集
卷一

以福豐獲報勤播當即趨要塗鳴玉清以儺誰云出處
間此事難預揣秋風鄉思動請郡向江左猶冀款襟
已聞將轉舵想見桐州民延首候來舸置酒樂佳辰剩
插黃花朵

依韻答吳殿丞應之見寄

古人不可見空名留竹素幸而並世生千里或相去懷
賢我何勞蓄道公其富老驥伏櫪鳴使看鷲駘步浩歌
掉得紱思極江山趣西風動遊袂撇在千巖路賤子匹

馬來邂逅一相晤既見豁所懷私心願執御論議攻不
破牢若金城固作詩遺長髯知異衆人過

向負春遊辭以風雨開霽既久樂事未果因書百

言聊以自戲

常恨春日少況遭風雨多桃李冷不覺

按原本
缺二字

如濁河

廣陌斷游騎寂不聞行歌方其正雨時樂事空蹉跎晴
來又累朝日暖風祥和紅入桃李枝綠轉池塘波何曾
到花下把酒呼青蛾屈指九十期今已一半過繁日乏

欽定四庫全書

祠部集
卷一

長繩欲却無神戈花落解笑人謂我前言何

道旁松

何年澗底栽移植俯官道腹空蟻穴衆枝瘦龍脊衰斧
斤須良材霜雪豈終老大有歲寒操見盡桃李天

雷君自陝及門謁與書偕聊成短篇以答來貺

一官偶來泗舉動畏謗嘲萬事不掛齒終日口欲膠所
學未信時尤欲密飲也賢者或我顧未免談屢交雷侯
將家子而至自陝郊踵門貺予書享饋煩弦匏始見氣

頗勁既語理不般愛予欲予薦言畢徒啁啁托蔭須高
林而乃依寸茅盍行游鉅公一言變魚蛟

聞杭饑

皇祐二年

客從吾鄉來告我歲大歉百金易斗粟富者頭屢撼餓
殍相枕藉億口盡虛領客言尚未竟予淚已成點避席
駭相問予裹不能掩位卑俸給薄用度抑難減是以之
官日盡室來未敢予行弟獨留居常動予懷歲凶吾產
薄慮其苦糴淡所以聞客言私懷輒與感客遽前止予
欽定四庫全書

桐部集
卷一

三

上知郡都官

列郡二千石所理我與共臨淮守最賢萬口交一頌彼
邦困飛蝗我境欲集鳳彼民粒不充我泰地無空
乎如秋霜巨猾弗得縱斷乎如蒼龜吏法不敢弄鈴齋

畫觀書朱轡春勸種明堂購眾材我公實梁棟行吐胃
中奇勲名光有宋賤生何為者碌碌備僚從天幸所與
薄半歲侍羈鞫驚雀勢力小鵝鴈食口衆貧賤兩雖甘
慙慙輒披控朝廷重為邑外臺薦方用豈惟進寸跡抑
可利微俸私心覲公舉如昔望郡貢媒街士所醜未罪
已自訟公如飛一章舉族免饑凍

呈屯田

溪水日夜落稍稍露沙面經旬更不雨深處亦成澱巨
篙架空航澁若沂淺淀泥乃載百指數纜安可緯念此
歸思發急踰強弩箭公如惜滯留願借長風便

送藥王圓師

吳僧甚商賈嗜利角毫芒或以醫自業利心劇虎狼今
時愚鄙人平居恡私囊寒餓來求仁一毫不肯將不幸
病且亟呼醫計倉忙惟醫所欲求萬金弗較量吳僧業
醫者十室九厚藏張口待人哺咪咪厭酒梁求其不爾
徒蕭叢揀蘭芳圓師何許人出家本衡梁自圓之先師

欽定四庫全書

桐部集
卷一

四

三世為醫王國尤得術精一九起膏肓雖掛吳僧籍亦
吳其衣章仁義薰厥心愈彼不顧償人以財啗圓惡如
唾霑裳晨齋未有餘一餅蔬充腸行索無長物秋風藥
裏香昨因赴人急挈然來浦陽始見已可愛氣溫語端
詳再見結所好佛外喜縑緗住久見益數乃知數事長
作詩聊紀師豈曰為行光

題婺源胡氏翛然堂

歙山碧參差歙水綠演漾之子山水間築室傲天壤山

欽定四庫全書

桐部集
卷一

五

空鳥飛鳴水淨魚下上觀魚悟至樂聽鳥悅幽響一搏

泯悲懽萬事齊俯仰入境兩翛然無復塵區想故人石

渠英緣以命堂榜作詩羨高懷中服非外獎

孫華老名
堂且賦詩

嗟今急名人疾足投世網心撓跡固喧求得道已枉茲

理曾莫知所趨岐已兩予亦慕子徒泉石久思往何當

伴琴觴一鼓東南槩

揭印謁新守宿至德上方翌日馬上追書二十韻

攜符拜州守半舍度微徑

阮雖已
十五里

有僧謁道傍云我迂

邑令因徐指叢林佛宇頗嚴淨願驅大夫馬一宿總征

銓我生嗜煙蘿聞此愜幽興乃留驗僧言金碧果暉映

捨策游上方塵襟覺踈瑩山氣亂朝暮谷響答鐘磬清

風中宵來雲歛月垂鏡微吟不知旦坐席若初定遂行

登脩塗回首謝巖磴咨予秉微尚碌碌奚足競一月兩

移府

未署事前
已嘗謁府

未暇救民病徒為章服裹折腰損真性

予連日奔走吏事查出暮還君然兄數賜臨問乃

不果一見辱遺佳句謹依韻和酬

欽定四庫全書

桐部集
卷一

六

朝出雞聲新暮歸馬蹄茶思君不得往一飯或三輟自

從伐木興友道寢欲滅夫子眷獨勤聊解予心結

橫溪回道中作

赤雲蔽層霄早日作炎酷解帶蔭廣廈膚汗發如沐世

無廣寒宮何地避蒸溽嗟嗟尚未已里胥報甚速云有

邑頑民飲酒溢鼠腹半酣張空拳中者致殞踏甲令著

定憲繼踵當視履駟車不敢緩冒暑走山曲敝蓋無大

陰託庇何跼促因思古賢宰民鮮犯鞭扑子賤弗下堂

政務自清肅顧予今何人為治乃不淑民既冒重辟已亦若匍匐胡不樹善治泰然處華屋

祠僊姑回馬上作

至和歲甲午德音絕常軌寬徭且有罪外復講羣祀君言一朝發人神共悅喜今我官浦陽距邑越十里聞有僊姑祠獨弗識何氏按圖得本原云是黃帝女當年追僊遊茲地倏輕舉于今數千載廟貌尚留此幾欲私謁款吏事日勞止遽會郡符降奉行德音止以廟隸邑境欽定四庫全書
祠部集
卷一
七

久雨

雨師握天令汲汲不停駕疾驅鞭羣龍俛首隨叱咤乘怒作霖霖不復息晝夜義和久埋輪縮手喜閑暇山川盛奔溢若虞歷陽化農民驗甲子其應早在夏
農民謂甲子日

雨夏當大旱我疑上天漏誰能補天罅慰此農民心無使憂早稼

寄辟疆

憶昨枉君軒始來就客邸爾僕方息肩顧我遽屈體守閭前通名倒屣出致禮相見吐論議所學愈根柢徐為出巨編徹若涉清濟昏膜得剗塵心逾易洗我亦露狂簡君曾不訶訖于時園正花長日甕盛醴插枝必滿頭飲醴須露底未幾踏歸銓相將灑別涕戀戀有情照欽定四庫全書
祠部集
卷一
八

伯夷詩

昔紂為不道毒心無生靈四海如在鼎誰能救將烹周武從天人戎衣舉仁兵伯夷獨何為乃諫不聽行紂徒久厭主一朝倒戈迎天下既宗周大冊書武成夷義愈

為耻寧死弗苟生周粟惡不食雙目且餓暝紂無王者
實徒有王者名雖曰臣伐君紂德匹夫輕吁夷豈不知
意在銷姦萌

書感

擇已要有持擇人要有別淺夫脫所守秦顏附炎熱庸
兒昧所擇目前事苟悅彼秦有時變爾炎有時歇歇者
既死灰變者遂剛鐵平時綢繆地一朝等楚越古人論
淡交君子保常節作詩貽知言不為昧者說

欽定四庫全書



詞部集
卷一

九

奉和純甫秋扇

粲粲機中練作扇圓中規盛夏天無風廣宇猶蒸炊汗
流既淡體蚊齒仍毒肥團扇當爾日功利兩得施一入
君掌握汗卻蚊攘披秋風刮地來涼氣襲空惟功竟勢
亦去退藏乃其宜聖人制器用用舍各有時弓所以在
鳥鳥盡弓胡為蹄所以在兔免獲蹄何之葛屨乃履霜
刺譏見于詩作扇本禦暑暑退當棄遺奚必昧用舍託
怨班婕妤

八月十六夜與宗哲純甫翫月

結客城東樓明月初出海漸如水精盤天寓無寸霽清
光如何買厥價珠百琲中秋一夕過已覺人意改冰輪
縱遲遲此夜復誰待老蟾益自張吐輝增十倍把酒共
月語世態何足罪自有昭昭暉千古萬古在

冬日偶書呈縣學李君擇之

北風吹嚴雪草木無媚姿野田一穗盡雀鼠猶苦饑浦
陽槩窮山不與陰冬宜今我雖旅宦一身十口隨有酒

欽定四庫全書



詞部集
卷一

十

奉親壽呼妻伴兒嬉幽腸尚多感悄結對此時念子客
千里形影外更誰空齋抱吟膝敵案覆飲卮我本依賴
少校子反有餘何日富貴塗引子並足馳朝得位夔契
暮致君軒羲收身結嘉客量金買妖姬人間有閑愁安
能到雙眉

送純甫仙尉

秋晚送歸客別酒風前酣一揖不回歸撇然就征驂挽
裾問客故捨我何其甘客言有慈母三歲淮之南今將

拜嘉慶歸心劇風帆薄親厚他人倒置理豈堪顧予失
所問汗顏為客慙客生富豪家妙年穿青衫初仕已絕
足不與羣鴛鴦掾邑尚牽制逸驥受轡銜縱之使自馳
萬里日可貪持此作親壽行矣毋少淹

將別純甫四十字奉呈

我馬將北馳子車亦南挽車馬無留行相去即相遠風
林秋聲乾落日孤峰晚後會未可知莫使別腸淺

將有東陽之行宗哲為具話別以詩見招因答來

欽定四庫全書

桐部集
卷一

賦

秋高山城幽風動林葉吼百感從中來將分故人手故
人惜輕別樽酒欲相厚未飲已頽然別恨濃於酒

別筠陽

憶初來筠陽風土習未穩家人畏山氣一日或數飯愁
來數去期三載若天遠居之既累月吏事頗云簡山水
慣可觀雞羶肥堪饌却愁解印綬奪此養疎懶鴈詠趣
滋適不覺滿銓限門前迎新官槌鼓開田阪顧予謝鄧

侯寧有邑人挽水聲與山光念此違耳眼

寄純甫

相從浦陽官三十月盈缺出必並轡游居常對案噉子
褊子能恕子短予還許久而見交心中不容間舌之問
乃於窮秋時忽作遠道別別腸如亂絲一寸知幾結別
語如悲茹一聲凡數咽咽極繼以號旁顧亦慘切匹馬
獨來歸山城雨初歇

依韻答貫中見貽

欽定四庫全書

桐部集
卷一

三

魚蝦泳大海龍困污池埋鸞鳳氣塞吭百鳥鳴其喑猶
吾呂夫子短褐已壯懷舉腳踏青雲失勢寸步乖却視
後來輩厭已猶積柴否屯豈我獨升泰奚人皆一別春
四歸聚首邈不諧前日忽踵門謁與行李偕相迎把交
臂似合已擘釵于時節清明花淨無纖霾共引不算觴
傾瀉猶長淮歌詩互挑戰舒慘出百骸愁吟慘春暉樂
詠舒寒荻男兒萬里心無作伏櫪駒天王下科詔羅俊
基泰階盡行取好官一為光同儕

野園移植小松

平生歲寒心頗好歲寒色一松如人長慘淡窮山側推
兒日過之有意斧斤得予心異爾意野園為移植醉聽
疎聲眠吟到細陰息落落巖澗姿相對永朝夕如言千
載後其長可千尺人生雖百年相期眇無極且結無情
游汝固予何易宜待百年外人松兩殊迹人為松下土
松化土上石我生始踰壯足以伴寒碧

公立煎茶之絕品以待諸友退皆作詩因附衆篇

欽定四庫全書

詞部集

十一

之末

造化于草木所與有薄厚茶生天地間建溪獨為首南
土衆富兒一餅千金售公立須南官好林居衆富石俸
錢未到門已入園夫手買藏惟恐遲秘之逾瓊玖前日
於箱篋出以奉賓友蒼玉碾底碎浮雲盃面走一飲睡
魔窺空腸作雷吼茶品衆所知茶德予能剖烹須清冷
泉性若不容垢味回始有甘苦言驗終久吁茶特不幸
而出三代後不及餘草木盡掛詩人口禹貢籍九州瑣

細登橘柚古若有此茶商紂不酣酒

范鉞進士遺樓徹司馬庭石以質交樓作詩美之

因邀某同作

樓君仕塗傑范子儒林選論文二人者誠至不以勉范
也車將西樓也酒以餞胡然膠漆地猶假外物顯范子
庭前石千年立蒼蘚移入樓君圃重可載十輩堅以示
固交此意豈云淺怪不涉剗刻險不至崖巖坦然久要
情無向石間辯其堅竟有泐其重尚可轉不若照以心

欽定四庫全書

詞部集

十一

兩確乃吾善永結忘形游巖巖君勿羨

和施耕進士憶竹

夫子卧古屋趣敵巖谷深六籍環一身口誦頭不簪瘦
碧久去眼寂寞清風心朝思蔭之醉暮思繞以吟秋空
碧新弄無處停幽禽安得青玉枝來作半畝陰終朝對
几榻歲寒結知音於焉傲富貴追蹤晉賢林

京華對雪

嘉祐歲庚子長安一尺雪落地還成冰后土凍欲裂出

門望天街層城衆銀闕健馬載高冠傍人指夢高拜表
瑤墀歸酒面風前熱萬井莫回頭窮閭正騷屑曉突無
青煙饑唇悶殭舌咄嗟路邊予未死衣百結亦有待火
人空囊磨歲月愁吟徒爾為泱泱天地闊

與任道及順久二師賦小閣見月

醉領玉川子夜八支公院危閣邀共登身在霜空半缺
月穿雲來塵區未應見長飈蕩寸霄天宇痕無線坐久
吹青燈寒光可對而飄飄釋苑秀洒落儒林彥相逢愛
清景險語寫幽玩野令才素慙斗為吟毫健詩成萬象
索孤影轉樓殿遊屐絕出門高僧應作伴

誠言

君子言欲艱出口終身俱衆人易由言朝出暮已渝言
之于一身譬若戶藉樞爾樞苟不慎彼戶將誰扶不重
一語言是輕六尺軀忘言要有成不成陷半塗耻言在
克愎不愎行平污今吾觀衆人一言異朝脯爾志既可
見爾耻復若無行將小人歸嗚呼爾非夫

欽定四庫全書

祠部集卷二

宋 強至 撰

五言古詩

賀陳右司生辰

悠悠大塊間萬類紛相敵偉哉拔俗人真宰豈無力六
經陷邪說擇儒共一律天未喪斯文公生抱絕識著書
羅古今射策開膏臆前輩幾欲盡後來昧所適天將激

欽定四庫全書

利許鼎
卷二

顏波公生秉孤直數諫難居中三已無愠色海宇屬無

虞天工或曠職天保佑皇帝公生蘊奇德培植棟梁姿

一旦壯王國禁網雖小寬疲俗未全逸惟天念我民公

生富才術發揚雲雨勢諸方待膏澤天既責公深眉壽

夫何惜行看佩相印不羨登仙籍南山雅望重北斗威

聲赫業生固難朽吐納自不息惟昔軒冕徒尤喜山林

跡留侯追赤松志就亦何益傳說為列星但已脫寰域

孰如我公貴與國長無極

送張升甫三十韻

歲餘客秦雍處俗失大方眼前紛朋游外同異中腸最
得張子晚一見合柔剛拜我十年兄本非以其長直緣
父兄舊及此三紀強子之先大夫疇昔倅餘杭予時以
童子進謁升公堂仲兄齒予亞同學隸州庠行聯坐接
席無異彼雁行此時君尚孩縱記今亦忘去住忽南北
中間異行藏後子與君兄鄉貢入帝鄉見面初驚疑偕
問徐乃詳同年忝進士茲復同省郎伊予論契好始見

欽定四庫全書

祠部集
卷二

今髮蒼昨君解下邳東去隨薦章歸來婦翁家春風到

秋霜子居幸對舍有酒呼隔牆往還興頗熱間外絕毫

芒乘月步橫橋觀漁立回塘詩句迭唱酬稍稍積中箱

自許先功名知我尚激昂故言遺形骸不以我為狂古

稱管鮑交千載竊相望辭我復云東坐不安吾床汴水

日向落更久不可航甬東拋田園不治久欲荒急省江

南兄數事皆不遑慙慙挽征袖強留盡一觴何以將別

意時菊有清香

送吳令常甫之武平

朝廷重一邑悼昔容備員自嚴薦舉法頗號近得賢仕
者既擇地主恩那罄宣遐封豎惡壤十必九棄捐武平
杳何所閭閻天南偏林密毒虺藏吐瘴蟠長煙冬候氣
亦暖里俗衣不綿舊冬昨請代闕榜張三銓無人議一
往常甫獨不然丈夫志四海豈安廬室邊畏避屬衰怯
我今幸壯年所寄有民社勇去無山川吳天破新臘雪
片衝離筵闔坐勸別孟情厚禱亦虔樂餌慎勿疎善保

欽定四庫全書

詞部集
卷二

三

食與眠拖牙起驚濤餞車散江壩吏民前塗奔爭迎上
龍船到脩府中謁首低小侯前主人知才名應以塵土
憐下車轉春首訟未臨婚田遠人喜新君有訴恐不先
據案掃滯務一決如流泉呼兒伴兒戲邑事樂靜便地
寬人物稀林實雜海鮮荔子委樹旁毛魚不論錢飲食
信云美那肯事宴遊政休寧閑齋空腸味陳編他人保
無過歲滿猶自遣矧君資性好進業補未全材長老松
幹氣強直弩弦坐養青雲資歸着要路鞭君家新蔡後

清節能世傳豈必因賞格薦狀期聯翩鄙人忝末契相
識由童顛憂懷自足感況復別緒纏君其慰我私北鴻
附新篇

曾元恕累日不相見以詩垂寄依韻和答

丈夫收功名要在少壯時今予四十強才短良時遺俯
首入掾曹所託真一枝動靜繫他人何異馬受縻事業
乖聖賢饑寒愧妻兒浩歌望青雲致身分已遲江湖久
去眼終日懷釣絲元恕知我深愛惡非衆隨憐我事冗
交情保無移相從大酒歡晚歲滄洲期

欽定四庫全書

詞部集
卷二

四

走筆成一篇答徐君先輩見寄

定交初何年昔齒會稽學君壯我尚少道復先我覺子
時于衆人百鳥一驚驚學官程諸生題品或義卓衆方
縮手顧君筆已一捉落紙千餘言渾如金出璞辭場或
鼓行無敢犯鋒稍有時談遺經聖賢在口角憤疾異說
妄摘挾三傳駁語氣清不休旱天冽雷電南北俄乖張

同時去師惺未幾會京國君羽正濯濯以文試有司好
古拙雕琢一失太常第聞子繼屯剝翠鏤累在毛龜剔
鑿由殺古人亦憂患千載名愈卓子雖綴小官夙志負
山嶽薄領但戍性祿粟不周啄再命作陋邑舉動尤齷
齪旋巢子何所距我幸非邈寄詩冬為期當遂笑一握
待將得喪理同付尊酒濁

送元恕

我本生窮閭才命兩乖塞再試得一第失足落銓格去

欽定四庫全書

桐鄉集
卷二

五

年赴選集摩肩雜隸役吏口駢名呼推沮氣填臆僦居
在閑坊門巷少人迹于時苦病吟誰肯顧越鴈高冠縱
一臨車馬有屈色平生青雲志帖帖若墜翼羨君富詞
才時志復兩得解褐拜初命便綴審官籍秋高馬足健
駕言往京國諸父列禁嚴南北羅第宅往來伯叔間此
行穩棲息君家世儒林國史況山積燈火今可親幽探
勉餘力京都號紛華君志定非溺勿貽雙親念此外慎
眠食

早行澠池道中

二年別咸秦八月過嶠澠碎石隱地起險塗抱山轉我
馬無完蹄我僕有重趼林紅烈炬暴澗白亂流淺夙駕
露濕衣夕休獨臨饌輟迹環九州孔子未能免咨子獨
何人安坐顏輒覲區區適其宜誓將策疲軟

乙巳十月七日過黃河中流遇巨浪偶作

清旦絕大河拍隄滾黃沙巨舟忽拙簸心悸眼亦花咨

子豈輕生將身試魚蝦忠信固所憑此理懼或差定息

欽定四庫全書

桐鄉集
卷二

六

神魂寧歸心眇天涯故鄉念昔游湖面貼碧紗醉舫穿
芰荷坦腹如眠家天水自照映鷗鷺相交加雖無風波
憂離齷未足誇豈如尋河源安穩浮靈槎脫略遺近觀
飄飄薄飛霞低頭顧濁流卑險吾汝嗟

過潼關

巨方信天開嵒嶽土山口豈惟控內外勢不漏飛走一
夫或當關可敵萬夫守山河此襟帶怙險聖所否明皇
晚倦勤意恃太平久絕艷荒真妃轉盼六宮醜祿山假

天性恩養不知厚鐵騎長驅來哥舒苦徒手吾君暢道
德四海一父母人心自固結茲闕復何有

苦雨

闕輔連歲旱耕地千里赤官家放租稅猶有道邊瘠羣
國乞膏雨重丘岬蜥蜴神聽久寂寞民意轉淒惻天公
忽瞑目一怒乖龍殛雨師偃其旁驚起振厥職不復計
多寡傾瀉信朝夕入地知幾犁陝人以犁測雨之深淺地上但盈

尺洶如三峡注那辨四簷滴落勢魯未停廬井反憂溺

欽定四庫全書
何部集
卷二

七

始知天公難不易人願適舉頭告風伯速吹濕雲圻却
還秋日光迤邐照阡陌俾民布新種來歲飽甔麥

幕中偶書

劉侯驅車東幕府賓客稀凭几獨蕭然真與萬事違巢
燕無世情閑堂時一歸東風忽怒號輒來撼窻扉攪我
靜中趣聒聒無停威塵沙亦侵人猶喜勢力微日暮風
稍息出戶聊振衣行吟視庭木枝空但花飛幽思感晚
春浩歌送斜暉翟公大書門怨激恐已非俗物喜去眼

杜子吾庶幾

徙居

人生如寄客况復真客宦南舟與北車來往若征雁殘

暑赴西雍冉冉忽秋宴三徙乃定居

始至寓法掾廳又徙書記

聽遂安居

什物旋營辦騰移費負挈猶恐僕夫訕幕府文書

稀食息有餘間短才乏所補公給浪蒙養懼辜主人恩
從事不敢慢南軒有佳趣流渠瀉幽澗潺潺無時休弄

水悅童仆關中氣候晚時菊始云綻亦有終南雲朝暮

欽定四庫全書

何部集
卷二

八

生顧盼浩歌一樽酒常分任鵬鷃

幕中書懷

宦游老歲月春花漸空枝坐耗鏡中顏日饒鬢邊絲流
俗宜重輕青雲勢參差剛腸寡所合出門復何之趨向
於今乖考古聊自怡黃卷有聖賢目覽心與期君子顧
萬世小人較一時不見九原骨貴賤共狐狸惟有賢愚
名縱久亦兩岐退之賦二鳥無乃為物移信已一推天
孟子真吾師得喪付濁醪身外非所知